

Kontakt:

Amra Turalić
(917) 302-2702
aturalic@gmail.com

ili

Edita Zulić
(646) 752-5030
edita@bhffnyc.org

**ŠESTI GODIŠNJI BOSANSKOHERCEGOVAČKI FILMSKI FESTIVAL (BHFF™)
ĆE SE ODRŽATI OD 15.-16. MAJA U TRIBECA CINEMAS U NJUJORKU
*Zvanični konkurs za prijavu filmova otvoren do 15. marta***

Njujork, 1. mart 2009: Šesti godišnji Bosanskohercegovački Filmski Festival (BHFF™) će se održati 15. i 16. maja 2009 u Tribeca Cinemas, jednih od najvažnijih filmskih institucija u Njujorku.

Od osnivanja 2003. godine, festival je privukao značajnu pažnju javnosti kroz međunarodno priznate filmove, stekavši ugled izlaganjem bosanskohercegovačke kinematografije. Ovaj jedinstveni kulturni događaj koji je organizovan od strane dvije neprofitne organizacije u Njujorku, Radio Glas Bosne i Hercegovine i Akademija Bosne i Hercegovine, predstavlja nove talente moderne evropske kinematografije, ujedno pružajući jedinstvenu priliku američkoj publici da se upozna sa filmom i kulturom Bosne i Hercegovine.

Iako Bosna i Hercegovina, površinski jako mala država, proizvodi samo nekoličinu igranih filmova godišnje, njeni filmski stvaraoči su svjetski priznati, a njihovi filmovi, iako nisko-budžetni, su dobitnici mnogih nagrada i priznanja. Nedavni primjeri su film "Ničija zemlja" dobitnik Oskara, film "Grbavica", koji je osvojio Zlatnog Medvjeda na Berlinu te kratki film "U ime sina", koji je primio dvadeset internacionalnih filmskih nagrada.

Ove godine, zvanični konkurs za prijavu filmova je otvoren do 15. marta. Filmski odbor će uzeti u razmatranje igrane i kratke filmove, dokumentarne, kratke dokumentarne i animirane filmove bosanskohercegovačkih reditelja ili filmova čija tema je Bosna i Hercegovina. Filmovi koji uđu u zvaničnu selekciju će se takmičiti za BHFF nagrade publike "Zlatna jabuka".

Zahvaljujući šest godina iskustva, organizatori festivala su napravili veliki broj poboljšanja. Reditelji sad imaju mogućnost da apliciraju preko interneta. Uz to, potencijalni donatori mogu podržati BHFF kroz različite načine, uključujući Facebook, PayPal ili putem čeka.

Za dodatne informacije i prijave za BHFF™ posjetite <http://www.bhffnyc.org>, ili kontaktirajte Amira Husaka (amirhusak@gmail.com or (313) 729-8096). Oni koji su zainteresovani za sponzorstvo BHFF-a ili individualne donacije mogu kontaktirati Almira Lucevića (almir@bhffnyc.org or (917) 250-1200).

Bosanskohercegovački Filmski Festival (BHFF™) je godišnja manifestacija koju organizuju Radio Glas Bosne i Hercegovine i Akademija Bosne i Hercegovine, a koja ima za cilj promociju bosanskohercegovačke kinematografije na području Sjedinjenih Američkih Država, te upoznavanje šire javnosti sa novim djelima istaknutih i mladih bosanskohercegovačkih reditelja ili filmova na temu Bosne i Hercegovine. Za dodatne informacije, posjetite web-stranicu <http://www.bhffnyc.org/>.

Radio Glas Bosne i Hercegovine je neprofitna organizacija posvećena očuvanju i jačanju svijesti o bosanskohercegovačkoj kulturi u New York-u i šire. Radio Glas Bosne i Hercegovine emituje sedmični radio program na bosanskom jeziku, a istovremeno je i organizator mnogobrojnih kulturno-društvenih manifestacija za imigrante iz Bosne i Hercegovine. Za dodatne informacije, posjetite web-stranicu <http://www.voiceofbh.org/>.

Akademija Bosne i Hercegovine je neprofitna organizacija sa sjedištem u New York-u, koja ima za cilj povezivanje mladih iz Bosne i Hercegovine koji žive na prostorima Sjedinjenih Američkih Država i širom svijeta, unutar svojih profesionalnih interesa. Akademija pruža platformu svojim članovima za vodstvo i implementaciju kulturno-umjetničkih i edukativnih programa u svrhu prezentiranja dostignuća dijaspore, te ostvarivanja čvrstih veza sa Bosnom i Hercegovinom. Za dodatne informacije, posjetite web-stranicu <http://www.academybh.org/>.

Tribeca Cinemas je dom filmskih premijera, svećanih prijema, te drugih javnih događaja u Manhattan-u. To je središte čuvenog Tribeca Film Festivala, kao i prostor otvoren tokom cijele godine za raznovrsne privatne događaje. Za dodatne informacije, posjetite web-stranicu <http://www.tribecacinemas.com/>.

###

